



Die WAPAD

STUDENTEBLAD
van die
P.U. vir C.H.O.

DEEL VI.

22 JUNIE 1951.

No. 6.

STELLENBOSCH STEUN A.S.B.-BELEID VOLKOME

Op 'n onlangse gehoue Studenteraadsvergadering het Stellenbosch op ondubbelsinnige wyse die A.S.B.-standpunt ten volle onderskryf en daarmee verklaar dat hulle „nie van voornemens is om Konferensies sonder voorbehoud by te woon nie.”

Hierdie feite het aan die lig gekom in die Stellenbosche Studentekoerant, „Die Matie,” van Vrydag, 25 Mei 1951. Die berig lui verder dat „die Studenteraad die beginsel van aparte verteenwoordiging gehandhaaf het as sy interuniversitêre beleid toe 'n mosie van S.R.-Voorsitter, Tobie de Clercq, met die volslae meerderheid van 8 teen 1 stemme aangeneem is op die onlangse Studenteraadsvergadering.”

Onthou sal word dat op 'n vorige vergadering mnr. S. A.

Proefwedstryde

Mnre. C. van Vuuren en P. Viljoen word langs hierdie weg hartlik gelukgewens met die onderskeiding wat hulle te beurt geval het om gedurende Julie aan die proefwedstryde met die oog op die keuse van die Springbokspan, deel te neem. Elke Puk hoop dat julle ver sal kom.

Strauss voorgestel het dat „om alle wanindrukke uit die weg te ruim” die S.R. die A.S.B.-beleid t.o.v. „gemengde” universiteite bekragtig. 'n Amendement van mnr. P. D. de Kock is egter met 7 teen 3 stemme aanvaar. Hierdie amendement het nie met die A.S.B.-beleid ooreengestem nie insoverre dit die huidige toestand aan alle Suid-Afrikaanse universiteite (waar blankes en nie-blankes gemeng is) tydelik aanvaar (terwyl die A.S.B. die status quo aan gemengde universiteite betreur) en insoverre die „S.R. dit as die onbetwisbare reg van elke studente-unie beskou om te beslis wie sy verteenwoordigers op sy Studenteraad op interuniversitêre samesprekings sal verteenwoordig.” (Spoorslag, April 1951). Die gevolgtrekking wat andere daarvan kon maak was dat gemengde universiteite nie-blankes kon stuur om blankes te verteenwoordig en omgekeerd en die A.S.B. het hierteenoor gestel dat hy slegs bereid is om nie-blanke



FRANSIE DE WET,

die kapteine van die Dames-hokkiespan van die P.U.

Verwonge Plasing Van Berigte Hokkiekapteine Lug Klagte

Mej. Fransie de Wet het by die Sportredaktrise ernstige klagte ingedien dat berigte aangaande Hokkieaangeleenthede verwonge geplaas word.

„Hoewel daar moeite gedoen word, word berigte oor die Dameshokkie, na verneem word, in „Die Wapad” verwonge en deurmekaar gepubliseer. Mej. de Wet het voorts verklaar dat sy geen boodskap vir die komende intervarsity sal gee nie, aangesien sy

die nodigheid daarvoor nie sien nie.

Dit is egter 'n bekende feit dat wanneer intervarsity by 'n ander universiteit gespeel word, soos nou teen U.P. in Pretoria, daar in „Die Wapad” nie dergelyke boodskappe geplaas word nie.

(Vervolg van vorige kolom).

handelende op die goeie trou uitgespreek deur die Engelssprekende studente van hierdie Universiteit, verklaar hierdie Raad hom bereid om voortaan ook 'n verteenwoordiger deur die Engelssprekende groep aanbeveel, na Inter-universitêre samesprekings te stuur.

Indien dit mag blyk dat ander Universiteite gedurende heirdie interimtoestand nie bereid is om samesprekinge te voer nie, sal die Raad nogtans poog om kontak met die verskillende groepe te maak.”

Die vergadering was die langste van die jaar.

Tukkies te deur die wind om Voordewind te vang

'n Mislukte poging van 'n aantal Tukkies om die dirigent, Boep Voordewind, na Tukkieland te ontvoer, het gelei tot die gevangening van vyf Tukkies gedurende die na-nag van Woensdag 15 Junie. Die Pukke het die besoekers kosteloos en gasvry onthaal, en 'n geleibrief met hulle saam na hulle dirigent, Dawie Kriel, gestuur.

Luidens berig het mnr. W. v.d. Bank op die aand van die 15e van Sientjie via die Kamp in Jan Smutslaan afgekom. Hy het lout geruik toe hy die Tukkiesfigure opmerk, en in navolging van die Griek van ouds het hy 'n marathonwedloop na die Puk-hoofkwartier in rekordtyd afgelê, en die woord „Tukkies” uitgehyg, en op die geliefde P.U.K.-bodem neergestort. Eerstejaarsgeledere is gemonster, en wagte by die poorte is verdubbel.

Eerste Aanslag.

Om presis 10.30 nm. het 'n Mercury met stille gang die Pukke se vesting genader, en voor vier ouhere, t.w. Willem, Platbos, Fires en Bokstra, stilgehou, terwyl die insittendes die nederige wens om na 'n „neef” van hulle beduie te word uitgespreek. Ongelukkig vir die deputasie het die bestuurder van die motor te gretig gelyk om weg te spring, met die gevolg dat die dieptes van Gathlandia weereens

(Vervolg in kolom 3).

Lus vir Intervarsity Damesspanne Geesdriftig

Na verneem word is daar by die P.U.-damesspanne geen gebrek aan entoesiasme vir die komende intervarsity-botsing teen U.P. nie.

Tenspyte daarvan dat die Korfbalspan hulle op Pretoria as 'n netbalspan sal moet voordoën, en

dat die Tukkies se tennis en hokkiespanne uiters gedug is, is die dames tog nie met voorspoeksels beswaar nie. Daar heers by hulle die tradisionele P.U.K.-sportmangees, en hulle gaan die P.U. se naam in Pretoria niks as eer aandoen nie.

(Vervolg van kolom 5).

sy inwoners uitgelaat het om die ou moutertjie toe te sak.

Gevang.

'n Korrespondent wat die spektakel aanskou het, het berig dat toe die motor wegvlie 'n sekere ouheer, bekend as mnr. Vleisie

Norspa, van pure skrik regop in die lug gesprong het en bo-op die motor te lande gekom het. waarvandaan hy bly was om af te kom toe die motor by die geslote hekke voorgekeer is, en die drie insittende Tukkies aangekeer is, om as gaste vir die Pukke op te tree.

(Vervolg op bls. 3, kol. 2).

studente aan gemengde universiteite te ontmoet.
Verskeie blaaië het hulle daarvoor uitgelaat soos bv. „Die Perdeby,” „Rhodes” en „Forum” terwyl „Varsity,” Kaapstadse studentekoerant, dit as „the most vital decision in the recent history of student affairs” beskryf het. Mnr. de Clercq, S.R.-voorsitter, het hierdie voorbarige afleiding omtrent Stellenbosch se standpunt sommige blaaië verwyf.

MOSIE.

Hy het die volgende mosie ingedien wat byna eenpariglik aanvaar is:

„Na aanleiding van die verklaring van die A.S.B.-hoofbestuur i.s. samewerking met gemengde Universiteite en na aanleiding van die samesprekings gevoer met Engelssprekende studente aan hierdie Universiteit formuleer hierdie raad sy beleid t.o.v. inter-universitêre betrekkinge soos volg:

a) Wat ons uiteindelijke ideaal betref d.w.s. t.o.v. 'n permanente reëling van ons studente-betrekkinge hou ons vas aan die idee van parallele bande wat die Afrikaanssprekende, Engelssprekende en nie-blanke groepe federaal-uitvoerend aan mekaar sal skakel.
Wat die band van Afrikaanse studente betref hou ons vas aan die kultuur-akademiese grondslag van die A.S.B.

b) Wat die huidige toestand betref aanvaar die Raad die status quo aan gemengde Universiteite met dien verstande dat dit slegs as 'n interimtoestand beskou word, totdat afsonderlike voorsiening vir nie-blankes gemaak is.

Hierdie Raad verklaar hom bereid om gedurende hierdie interimtoestande samesprekings te voer met afgevaardigdes van enige universiteit met die voorbehoud dat Afrikaanssprekende deur Engelssprekende en nie-blanke deur nie-blanke verteenwoordig sal word.

In ooreenstemming hiermee en
(Vervolg in volgende kolom).

DIE BULTHAAR-KAPPER

Langs Bult Garage.
'n Nuwe Haarkapperswinkel binne u bereik, Studente!
Besook ons—u voorkoms sal daarby baat.
U ondersteuning sal hoog op prys gestel word.
G. SCHOONHOVEN,
(Med. Gedpl.)

INGRAM SE BOTTELSTOOR

INGEVOERDE

en

KOLONIALE WYNSOORTE

en

SPIRITUALIEË

Potchefstroom se mees moderne

Dames-Klerewinkel

Die jongste versameling van Dames-rokke, -Baadjies, „Jeeps,” Skirts, Bloese, Onderklere, Blomme, Naaiwerkbenodigdhede, ens.

BY

LA VOGUE

(J. M. TAYLOR)

Posbus 221.

Foon 440.

Drink en Geniet

S & S

Super Dilla

en

Super Orange

Sherr & Shakinovsky

AUTO LAAN

Foon 16

(Vervolg van vorige kolom).
(Vervolg van bls. 1, kol. 5).

Ondersteun 'n Oud-P.U.Kaner

J. P. V.D. WALT,

L.F.V.

KERKSTRAAT 111
(Langs Ackermans)

Foon 929.

POTCHEFSTROOM.

Ek voorsien ALLES wat van 'n Apteek verlang word.

Vierde A.S.B.-Kongres Vanjaar in Pretoria

'n Groot aantal afgevaardigdes word verwag na die vierde kongres van die Afrikaanse Studentebond wat van 25 tot 29 Junie aan die Universiteit van Pretoria gehou word. Dit neem vanjaar die vorm van 'n studiekongres oor die onderwerp „Maatskaplike Wapraaktjke” aan, en plaaslike studiekomitees van alle A.S.B.-takke is tans besig om die betrokke referate uit te werk.

Verdeling van Onderwerpe:

Die twee suidelike takke, Stellenbosch en Kaapstad, behandel „Die Probleem van Drankmisbruik,” die Middellandse takke die vraagstuk van Prostitusie, en die Noordelike A.S.B.-sentra „Gevangenis en Misdaad in die algemeen.” Laasgenoemde onderwerp sal as geheel bestudeer word in die lig van die vraag: „Is dit moontlik om ons gevangenisgeheel of gedeeltelik te vervang deur werkkolonies?” Voorts sal kommentaar gelewer word oor die rol wat die staat, kerk e.a. organisasies in hierdie vraagstukke speel.

Algemene Studie- onderwerp.

Die Algemene studie-onderwerp

sal vanjaar wees: „Ewolusie in 'n sosiale lig gesien,” en deskundiges sal o.m. hieroor voorlesings hou.

Beskrywingspunte.

Beskrywingspunte wat deur die kongres bespreek sal word, sluit o.a. in die posisie van die Engelse student binne die A.S.B., sowel as 'n voorstel tot uitbreiding van die A.S.B.-organisasie.

Toneelfees.

Tesame met die kongres sal 'n toneelkompetisie tussen toneelgroepe van byna alle geaffiliëerde Universiteite en Kolleges weereens gehou word. Die toneelspanne word deur Pretoria Normaal ontvang.

Algemene A.S.B.-Nuus**Uitbreiding.**

Die A.S.B. brei nog voortdurend uit. Aan die Teologiese Kweekskool te Stellenbosch is 'n geesdriftige tak gestig, en veel word vanhier verwag. Ook word onderhandelings met verskeie Opleidingskolleges in Kaapland gevoer om takke daar te stig. Aan U.K. is selfs ook 'n tak, wat nog veg om offisiële erkenning.

„Spoorslag.”

Die amptelike blad van die A.S.B., Spoorslag, sal in die vervolg sewe in plaas van vyf kolomme beslaan. Vir sover bekend is dit die eerste studenteblyd van groot nuusblad-formaat—ook wat sy uiterlike voorkoms betref hou „Spoorslag” dus tred met die uitbreiding van die organisasie waarvan hy as mondstuk dien.

Van S.R.-Weë

Saterdag 23 Junie is 'n groot dag! Dan is dit weer intervarsity teen U.P., en dit op Pretoria. As elkeen met die wete gaan dat ons U.P. kan klop—soos inderdaad verlede jaar gebeur het—sal dit weer gebeur! Elkeen moet net sy skouer aan die wiel sit en hou vir die volle lengte van elke wedstryd: tennis, hokkie, netbal, jukse en voetbal!

Ons staan aan die einde van 'n harde kwartaal, en 'n veeleisende semester. Derhalwe verwelkom ons almal die aangename breek, want intervarsity teen U.P. is

aangenaam! Laat ons dus in groot getalle Pretoria binneruk en vasberade met waardigheid en loyaliteit kompeteer. Sukses sal dan vanself toegevoeg word. Ons gaan almal probeer wen—maar die wen is ondergeskik aan die aangenaamheid, spanning en goeie gees van die intervarsity! Nietemin is die P.U. vir C.H.O. vasberade om U.P. harde bene te laat kou—en namens die S.R. en studente aan u een en almal: Laat die vaandel nog hoër wapper as teen U.O.V.S.!!

B. SPOELSTRA.

NATUURLIK-

GOLWENDE

HARE

gee u natuurlike skoonheid!

MEJ. R. GLAESER

Dames Skoonheidsalon

Kerkstraat 157.

Foon 366.

Die Wapad.

22 JUNIE 1951.

Offisiële Studentekoerant van die P.U. vir C.H.O.

REDAKSIE.

Hoofredakteur: J. P. COETZEE.

Adm. Voorsitter: F. BOTHMA.

Sub-Redakteurs:

Nuus: C. J. MALAN.

Kuns en Wetenskap: J. H. BOOYENS.

Sosiale Aangeleentheid: MEJ. B. KRUGER.

Sport: D. v.d. SPUY en MEJ. A. PRETORIUS.

Varia: W. J. J. VAN VUUREN.

Fotografie: F. BOTHA.

Tegnies: J. HERSELMAN en J. v. ROOY.

A.S.B.-BELEID

„Skeuring A.S.B.-Universiteite,” is woorde wat in die afgelope tyd dikwels gebruik word deur alle denkende studente. In hierdie bewering, wat beslis juis is, lê twee aanklagte teen die hele studentegemeenskap opgesluit, en die eerste is nl. dat 'n groep afgesonderd word wat „denkend” is, en dus 'n groep oorlaat wat nie „denkend” is nie. Die tweede aanklag is dat daar sprake kan wees van tweespalt tussen A.S.B.-universiteite.

Mens wonder soms of die feit dat daar so 'n belangeloosheid heers oor wat in die breek A.S.B.-kringe aangaan, nie verantwoordelik kan wees, of medeverantwoordelik, vir die onenigheid nie. As dit so was dat elke student aan elke Afrikaanse Universiteit, so begaan was oor die welsyn van die A.S.B., dat hy hom gedurig op hoogte hou met wat gebeur in die verband, dan sou niemand sommer ligtelik drastiese besluite neem oor enige saak, soos onlangs ongelukkig gebeur het toe U.P. die A.S.B. se kleurbeleid verwerp het nie. As dit werklik met die A.S.B. moet goedgaan, is die lewendige belangstelling van elke Afrikaanse student absoluut onontbeerlik.

Nou is daar sterk sprake dat die A.S.B.-eenheid, wat met soveel moeite verkry is, weer verbrokkel gaan word. Is die Afrikaner dan so sleg dat hy nooit kan saamstaan nie, en dat eenheid in eie geleedere hom nie 'n saak van die hart is nie? Is die Afrikaanse student, dan van geaardheid so swak dat hy nie in staat is om eers vir 'n rukkie een

beleid, soos dit deur 'n gemeenskaplike organisasie, die A.S.B. goformuleer word nie? Of lê die fout maar miskien daarin dat daar een persoon, of meer, is wat hulle invloed gebruik om skeuring te veroorsaak, om hulle eie persoonlike voordeel ontwillig, waar daar klein verskillertjies bestaan wat deur bespreking sonder vooroordeel, uit die weg geruim kon gewees het. Dit is bekend dat daar politieke organisasies is wat teen die A.S.B. te velde trek, om dat daar van die A.S.B.-beleid verskil word. Die reg om te mag verskil word niemand misgun nie, maar die aanmatiging van die reg om terwille van persoonlike voordeel 'n hele organisasie, wat jou toevallig nie na aan die hart lê nie, te wil omverwerp, word ten sterkste afgekeur. Hierdie afkeuring word verander in 'n verwyte, wanneer dit blyk dat die organisasies wat bots, wel elkeen 'n plek het in die studentelewe, en dit word verander in 'n roepende beskuldiging, wanneer dit blyk dat al die betrokke organisasies broodnodig is in die Afrikaanse studentelewe. En dit is nou hier die geval. Hier is die A.S.B. en 'n politieke-organisasie, en die A.S.B. word aangeval deur die ander, sonder dat aan hom kans gegee word om te besin, dit is daarom destruktief en bring niks tot stand wat goed is nie. Hierdie aanval is inderdaad niks minder as verraad teenoor die Afrikanerdom nie!

Kan dit wees dat die A.S.B. sy eenheid op 'n hegte grondslag sal vestig tydens die komende jaarlikse A.S.B.-Kongres.

W. J. SPAVINS EN SEUN

VIR ALLE

Elektriese Benodigdhede

Draadlose, Koelkaste.

Kerkstraat 65,
POTCHEFSTROOM.**BULT GARAGE**

(Edms.) Bpk.

Tomstraat 55, Potchefstroom.
Foon 952.Fietse, Flitse, Onderdele, ens.
verkrygbaar. M.a.w.'N FIETSAFDELING VIR
STUDENTE.Reparasies van enige aard.
VRY LUG-VOORSIENING.
Ondersteun 'n Afrikaanse saak.**STUDENTE!!!**

VIR AL U

Handboeke, Skryfbenodigdhede, Leertasse,
Geskenke, ens.

besoek ons en wees verseker van goeie diens.

UNIE-BOEKHANDEL (Edms.) Bpk

Kerkstraat 90.

Foon 497.

**DIE NUUTSTE ONTWERPE.
MODE SE HOOGSTE PUNT.**

ENKEL-LISSIE
DAMESSKOENE
vanaf 29/6

EDWORKS

(1936) Beperk.

Kerkstraat, Potchefstroom
DURENDE GEMAK.

ELKE DAG VARS!

**TURKSTRA SE
BAKKERY**

BROOD en alle KOEKSOORTE

Raadpleeg ons vir

BRUIDSKOEKE

TX MODISTE

Ons Uitstaande Winterreeks
kom nou aan!

Kostuums, Jasse en
Gebreide Stukke

Cardigans, Oortrekkers, Bolero's,
Jerkins en Angora-drag.

Lottie' en Paryse Hoede

KOM SIEN ONS—

vir u

Fotografiese- en
Aptekersbenodigdhede

GEEN & VELLEMAN,
KING EDWARDSTRAAT,
POTCHEFSTROOM.

J. N. J. Kritzinger

FOTOGRAAF

ROYAL HOTEL-GEBOU,
Kerkstraat 84, Telefoon 455,
Potchefstroom.

AS U 'N FOTO WIL SKENK
kyk dan

EERS NA ONS FOTO'S

(in ons Ateljee, of by
tevrede P.U.Kaners).

J. HEIDEMA

Kerkstraat 30, Potchefstroom
(teenoor Geref. Kerk).

RIETSE (alle soorte).

NAAIMASJIENE (Gritzner).
Matchless).

TIKMASJIENE (Olivetti).

J. HEIDEMA.

(Vervolg van bls. 1, kol. 4).

Agtervolging.

Die Tukkie kon maar nie die telefoons van Potchefstroom laat staan nie, met die gevolg dat nog twee van hulle, met die goedgunstige bystand van die sentrale, aangekeer is nadat 'n woeste agtervolging deur agterplase en oor heinings heen aanvanklik misluk het. Die telefoon was weer hulle einde—terwyl hulle nog een en ander intieme gesprekke met Fires voer, het 'n klompie Pukke hulle verras en aangebring P.U.K. toe, om die „tiekie wat hulle wou leen, te kom haal.”

Verwelkoming.

Ondertussen het die Pukke die eerste drie besoekers hartlik verwelkom, deur die stof van Tukkieland af te was, en die porieë van die vel met haastig geleende skropborsels te reinig. Die ouheer Fires het goedgunstelik ongewillig om sy talent as haarkapper gratis beskikbaar te stel en die ruie boskasies van die Tukkie ietwat te elimineer.

Intussen het die kordate Tukkie-tweedejaars asvaal by die koshuise aangekom, en moes weens swaar verkoue net met 'n ouheer Alwyn Malan kon een van hulle identifiseer, en het as gebaar van vriendskap die letters U.P., vir die Tukkie so dierbaar, op sy hoof gegraveer.

Nadat elke gas sy vaardigheid as dirigent voor die massa ten toon gestel het, het 'n ligte bak-oondjie die verwelkoming afgesluit, en is hulle teruggestuur met 'n brief van Boep aan Dawie Kriel.

TAKSEER ONS LAAG.

Pretoria,
11 Junie 1951.

Die Redakteur,
„Die Wapad,”
P.U. vir C.H.O.,
Potchefstroom.

Meneer,

Ek wil die vrymoedigheid neem om u te vra om die volgende in „Die Wapad” te laat verskyn voor die Intervaristy teen U.P.:

Ek wil hierdie boodskappie aan die Pukkies oordra, nl. Pukkies, as julle elke dag kon verneem wat die Tukkie van julle sê en dink, sal julle geen steen onaangeroerd laat om van die kragmeting op elke gebied 'n sukses te maak nie. Onthou julle word as 'n minder belangrike Universiteitjereken deur almal, of so te sê almal, hier. „As die Normaal julle wen, hoe wil julle dan nog teen ons kom speel?” Sô word geredeneer.

Pukkies onthou!!! Dit is julle eer, meer nog, die eer van julle Universiteit, julle Alma Mater, enig van sy soort in die wêreld, wat op die spel is. Ruk U Reg! Trek ten volle gewapen op tot die stryd, slaan vinnig en hard, maak u merk, wees manne wat die naam van Pukke werd is.

Hiermee wil ek julle alle sterk-

(Vervolg in kol. 4).

Pasop vir die Kylie!

Volgens die jongste berigte is dit nou lewensgevaarlik om saans sonder 'n behoorlike lig, wat aan al die vereistes van die wet beantwoord, met 'n fiets in Potchefstroom se strate rond te ry. Die oorsaak van hierdie gevaarlike toestand is glo 'n vertoornde Kylie wat saans die strate bewandel.

Dit is, na „Die Wapad” verneem, uiters onverskillig van enige persoon om deesdae na sonder met 'n fiets rond te ry sonder 'n behoorlike lig daaraan. Die owerhede wat belas is met die verantwoordelikheid om die verkeer in die dorp te reël, het glo onlangs drastiese stappe teen wetsoortreders in hierdie verband geneem.

Rewolwer Gebruik.

Volgens berig is verskeie van die wetsoortreders onder dekking van 'n rewolwer aangejaag na die aanklagtekantoor, met die oog op identifikasie.

Korrespondensie.

STUDENTEGEES.

Geagte Redakteur,

Wat 'n skandaal dat dit nodig geword het dat ons S.R.-voorsitter so 'n artikel moes plaas soos in die nuutste „Wapad.”

„Ja dit is waar” en „Dit is reg” en „Dit was lankal nodig,” so skree almal wat dit gelees het dit uit, maar wat word daar gedoen om dit te verbeter?

Daar word veral op die dames gewys wat in gebreke bly om verskillende dinge by te woon. Dit is reg, hulle doen dit nie, maar hoeveel van die mans is dan so getrou.

Daar was Maandagaand nie meer as 9 senior dames nie, en maar bloedweinig mans by die sing-songs. Ons maak te veel van die eerstejaars gebruik om die vergaderings vol te sit, om ons pligte te verdoesel onder valse voorwendsels. Ons sien die

Aan mnr. M. J. van der Westhuizen word hiermee die innigste simpatie uitgespreek, met die afsterwe van sy vader.

hele saak in 'n verkeerde perspektief.

Ons, en dan veral die dames dwing die eerstejaarstudente om alles by te woon en ons wat die voorbeeld moet stel bly in gebreke om te doen wat ons voorskryf en dan is ons ong so onbeskaamd om allerlei strafmetodes toe te pas! Het dit nie al nodig geword dat sekere van ons geagte senior damesstudente geheg word nie?

Nee kom dames en here, moenie dat daar op ons gewag word nie, gryp nou die bul by die horings en doen die nodige, want as ons dit al lankal gedoen het, sou dit nie nou vir ons nodig gewees het om met huiwering, en ja, met skaamte oor ons massagees te praat nie.

Ek het gesê.
Die uwe,
„BAIE BEKOMMERD.”

Die Kylie sou glo verplig gewees het om sy skietding in gereedheid te hou, vir ingeval een van die misdadigers sou probeer ontsnap. Dit sal, na verneem word, 'n bloedbad afgee indien gevangenes, nadat hulle sonder lig betrap is, sou probeer ontsnap.

Paniekbevange.

As gevolg van hierdie onverbiddelike optrede en die strenge toepassing van die wet, heers daar nou in die Puk-geledere 'n toestand waarin elke nagtelike fietsryer, hetsy belig of onbelig, so paniekbevange raak dat hy alleen met die hulp van 'n senuwee-middel sy ongerieflike voertuig regop op die twee smal wietjies gehou kry. Dié onverwagte wending in sake het die vroeëre onrus wat geheers het tydens die veldtog waarin aangedring is dat elke fiets van 'n klokkespel voorsien moes wees, geheel-en-al laat verdwerg tot 'n nietige voorvalletjie.

(Vervolg van kol. 2).

te toewens vir die stryd. Onthou die Tukkie skat julle maar gering—„Die arme ou Pukkies, wat kan hulle tog doen?”

Met leedwese het ek verneem van die besering van Fires.

Pukkies, ek groet U,
GROBBIES.

[Dit is beslis 'n riem onder die hart om te hoor dat daar by Grobbies nog so 'n groot mate van „patriotisme” teenoor die Puk aanwesig is. As die Tukkie hom nou maar net nie hieroor weer teen die kop skop nie.—Red.]

**PROGRAM-
INTERVARSITY.**

1. Rugby.		
SPAN.	VELD.	TYD.
1e Span	Loftus V.	4.00 nm.
2e Span	Loftus V.	2.30 nm.
3e Span	Univ. A.	11.00 nm.
O.19 A.	Loftus V.	1.30 nm.
2. Hokkie.		
Dames 1e	Univ.	9.30 vm.
Dames 2e	C.B.C.	9.30 vm.
Mans 1e	Univ.	10.30 vm.
Mans 2e	C.B.C.	10.30 vm.
3. Netbal.		
1e Span	Univ.	9.45 vm.
2e Span	Univ.	10.15 vm.
4. Jukskei.		
Almal	Univ.	8.30 vm.
5. Tennis.		
Word Vrydagmiddag om een-uur op Universiteitsbane afgespeel.		
6. Skaak.		
Moet tussen die twee klubs; reel word.		

BENODIG

Musiekonderwyser(es):

Klavier, vol gekwalifiseer, sang en orrel sterk aanbeveling.
Diens aanvaar Januarie 1952.
Goëie salaris.
Baie aangename plattelandse dorp digby Pretoria en Johannesburg.

Besonderhede:

Dr. OPPERMAN,
Brits, Transvaal.



Waar u ook mag wees

Kommando

—die *gewildote*

Suid-Afrikaanse sigaret



**PUKKE is altyd hartlik welkom by
UNIEWINKELS
as hulle in Johannesburg is.**
Ons voorsien reeds die VOETBALTRUIE en KOUSE.
Binnekort maak ons 'n belangrike aankondiging i.v.m. die
KLEURBAADJIES.
UNIEWINKELS, BPK.
Johannesburg.
Kerkstraat 45. Foon 22-4746.

Theos Wen Saai Stryd

Spoorweg Geklop Op Garnisoen-Veld

In 'n wedstryd wat deurgaans oninteressant en in baie opsigte teleurstellend was, het P.U. Saterdagmiddag vir Spoorweg met 11 punte ('n doel en 2 drieë) teen 3 ('n strafdoel) geklop.

Die Pukke sal moet opskud as hulle 'n goeie vertoning teen Tukkie wil lewer. Hul swak vertoning kan miskien gedeeltelik daaraan toegeskryf word dat daar maar sowat 'n 40 Puk-ondersteuners om die veld geskaar was om vir hulle te skree en aan te moedig.

Die Theos was sommer vroeg op ie aanval. Binne die eerste paar minute het die voorspelers 'n ribbelloop op tou gesit, maar ongelukkig het Steyn die bal te hard geskop en 'n seker drie het verlore gegaan.

Eerste Punte.

Die Puk-agterlyn het nou 'n paar maal mooi beweeg. Velleman breek skielik, gee terug aan Stoney, hy aan Hasie, en Harm word oorgestuier vir 'n lieflike drietjie. (3-0).

'n Serenade

Dis donker, donker middernag... net, die bordjies is verhang, want dis drie jong manne van ons volk wat die vesting Thaba N'Kulu omsingel... Maar geen windjie wek die slapers, want slaap is soet na arbeidslas.

Dan eensklaps, die eerste donderende tone van Strauss se „Love wherever I roam,” wat die koue tilte van die nag welluidend verreek. 'n Paar ou-dames spring verward uit hul kamers, en met smeulende oë klink verergde uitroep van „sou die eerstejaars nou gek geword het om hul radios die tyd van die nag so hard te sit? Liewe vader, besef hulle dan nie...” Maar dan dring dit stadigaan deur wat aan die gang is. Orals word deur die gangvensters uitgelooer na die oorsprong van die musiek, naamlik die vierkant. En wat sou hulle aanskou? Drie troebadours soos van ouds, maar met 'n twintigste eeuse uitvindsel gewapen, naamlik niks anders as 'n radiogram en die een plaat wat die ander volg nie... Soos 'n elektriese wind spreid dit deur die koshuis, want die een lig na die ander word geknip.

Die geesdrif in die boonste gang loop hoog. Daar word beraadslaag, en besluit om 'n afgevaardigde te stuur om uit te vind wie 'ie middernagtelike helde is. 'n Vrede ontugtering het egter vir aar gewag. Sy bereik hulle, maar helaas, staar vas teen drie gemaskerde gesigte, en op al haar lofbetuigings en dankuitinge kry sy net 'n norse „hmm-hmm” as antwoord. Druipstert keer sy terug.

Met die volgende plaat gaan daar egter vir meeste van die eerstejaars 'n lig op, want dis „Oh Maiden, my maiden” wat die lug deurklief. Vir elkeen van hulle bestaan daar nou nie meer die minste twyfel van wie die besoekers is nie.

Maar die meeste van die oud-dames verkeer tot hierdie heden vandag nog in die duister. Verneem word, dat die Thabajähtiete dieselfde nag op dieselfde manier vergas was... sou daar dalk iemand wees wat lig op die saak kan werp??

[Die Redaksie het probeer om

(Vervolg in volgende kolom).

Strafdrie.

Steyn kon hierna net nie die bal raakvat nie, anders was dit seker 'n drie. 'n Dribbelloop van hom is egter beloon toe die skeidsregter kort daarna 'n strafdrie onder die pale toeken ná ongeoorloofde spel deur Spoorweg. Alwyn het vervyf (8-0).

Pelser van Spoorweg was volgende aan die woord met 'n skitterende 60 tree strafskop. Ná rustyd kon hy hierdie prestasie egter nie herhaal nie.

Piet het toe weer gebreek, maar die bal het net voor die doellyn verlore geraak. 'n Drie van Brink, nadat hy by die agterlyn aangesluit het, het egter hiervoor vergoed. Alwyn het die vervyfskop en daarna nog 2 maklike strafskoppe gemis en die Pukke het met 'n oorwinning van 11-3 die veld verlaat.

Theos. Kaptein Lug Mening

Gesien in die lig van verlede jaar se oorwinning oor U.P. gaan ons vanjaar na PRETORIA as die gunsteling vir die oorwinning, want ons is vanjaar die houder van die titel en Tukkie die uitdagere. Maar aan die anderkant sal dit juis nog te meer 'n aansporing vir hulle wees om met hulle aller beste spel vorendag te kom. Ek wil hulle egter verseker dat hulle met 'n ewe vasberade span te doen gaan hê.

Om egter te kom na die span spel vorendag kom as teen U.O.V.S. dan sal die puntetelling sommer baie hoog in hulle guns wees.

Oor die Theos self wil ek nie veel sê nie. Dit kan maar bly as 'n verrassing vir Tukkie. Wie die Theos Saterdag gaan verteenwoordig is nog gladnie 'n uitgemaakte saak nie, van wee die feit dat ons oor so 'n groot aantal spelers beskik wat sterk aanspraak maak op insluiting. Hierdie wedstryd sal net so hard wees so verlede jaar en ek hoop dat die aangename gees ook weer vanjaar op die veld sal heers.

MATIETOER

Die volgende inligting aangaande die wedstryd op 27 Junie teen Stellenbosch is deur Mnr. Prinsloo, sekretaris van die voetbal-klub, aan ons verstrekt:

Die span van Stellenbosch kom reeds Maandagoggend die 25ste op Potch aan, en vertrek die Donderdagoggend ná hulle wedstryd weer. Die voetbalkomitee is reeds besig om vir akkomodasie vir al hierdie 23 spelers. Die wedstryd beloof 'n baie interessante een te wees aangesien 6 van die Maties reeds al vir W.P. gespeel het.

Die span is soos volg:

*K. Watson (kaptein), *P. Barnard (vise-kapt.), *W.

Nortje, J. Bredell, J. du Preez, P. K. Bredell, J. Louw, S. Vorster, D. Bredell, L. Buys, M. Nigrini, R. Swanepoel, *W. Hugo A. Basson, A. Kriel, G. Lochner, *D. S. Ackermann, C. Joubert, J. Starke, C. Reitz, H. Viljoen, D. Badenhorst, S. v.d. Merwe.

Bestuurder: Dr. D. H. Craven. *Dui provinsiale spelers aan.

Ongelukkig bring die Maties nie hulle O-19 span saam nie en vind daar gevolglik nie 'n O-19 wedstryd plaas nie.

KORPS V.V. KRY HOOFKWARTIER

Na verneem word het die Universiteits-Senaat toegestem dat die Studente Korps Veritas Vincent van die lokaal wat aan die verre Ooste van die Spelonke geleë is gebruik mag maak as kantoor en verkoopslokaal van F.C.S.V.-boeke.

Deur hierdie vergunning sal Korps sy aktiwiteite as rigtinggewende organisasie in die studentelewe beter kan behartig. Die

plan bestaan ook om die verkoop van boeke nog verder uit te brei tot 'n boekhandel in klein formaat, waartur aan die studente 'n goed-gereëlde diens van studieboekverskaffing gelewer sal word.

Die gedagte het ontstaan of hierdie gebeurtenis die voorloper is van 'n toestand waarin elke Hoofliggaam in die studentelewe sy kantoor sal hê!

STOERE GATHLANDER RAAK GEKYS”

Verneem word dat Piet Pelser, inwoner van Gathlandia-Bowe, hom amptelik met Laetitia Venter in die „kys” begewe het... Uit sosiale kringe word verbasing berig dat die ou veteraan hom so maklik soos 'n vlieg in 'n spinnerak vasgeloop het. Toe ons korrespondent mnr. Pelser genader het om hom oor sy „kys” uit te vra het hy hom in opgeruimde stemming aangetref. „Dit... dit lyk of u darem baie gelukkig is,” het hy gewaag. „Ag, ag, ons ou tweetjies is tog so-o-o gelukkig...” het die stroperige antwoord gekom en ons korrespondent moes by die aanskouing van sy dromerige oë die aftog blaas.

TENNIS.

Met 'n mansspan van 10 spelers, het die Pukke op Woensdag 2 Junie 'n neerlaag van 10 wedstryde teen 8, teen Normaal op die lyf geloop. Puk se vertoning was nie na wense nie en hulle behoort die swak Nomraal-span maklik te geklop het.

'N RESEP.

Per abuis is die praatjie vir huisvrouens en die liggaams-oefeninge gelyktydig uitgesaai, en die resultaat was die volgende:—

Neem vier koppies meel, plaas die voete plat op die grond en sif bokant die kop goed deurmekeer vir 'n slanke postuur. Voeg drie swaai bakpoeier met die linkerhand in sirkelvormige bewegings by, terwyl die kop van links na regs beweeg word. Lê nou plat op die rug en klop die botter en eiers met gestrekte tone tot 'n room. Voeg die ander bestanddele by terwyl u op die vloer sit en die kop tussen die bene plaas. Sit regop en bak vir 30 minute in 'n warm oond sonder om die knieë te buig, maar haal reëlmatig asem. Bedien warm vir 'n fris been.

Gedruk vir die Uitgewers deur Die Westelike Stem, Potchefstroom.

I. GLASER

Kerkstraat 83.

Die beste vir

OMEGA - HORLOSIES
EN VERLOOFFRINGE

Diens en Waarde is ons Leuse.

Foon 218. Bus 248.
POTCHEFSTROOM.

PARKER & CO.

(Pty.) Ltd.

GENERAL HARDWARE
MERCHANTS

Phone 30, Potchefstroom, Box 245.

Irrigation Machinery and Plants
Supplied and Erected.

Workmanship Guaranteed!

Farm Implements and Spares,
Tools for all Tradesmen, Arms
and Ammunition, Fishing Tackle,
Kitchen Utensils, etc., etc.

GILFILLAN EN STROH

POTCHEFSTROOM.

FIETSE EN FIETSREPARASIES

TOETS JOU OË

by

M. SINGER

F.S.M.C., F.B.D.A. (Londen)

OOGARTS

by die

MOOIRIVIER APTEEK

KERKSTRAAT 155,

Foon 380 POTCHEFSTROOM.

CORNER FRUIT STORE

Hoek van—Corner of
Kerk- en Retief Sts.

For— Vir—

Better Fruit and Vegetables Beter Vrugte en Groente.

Phone—118—Foon

PRESIDENT KAFEE

Kerkstraat 70.

...

vir die Beste

LIGTE ETES

en

VERVERSINGS.

„THALIA” TOON TONEELTALENT.

Voor 'n gehoor wat maar ongeveer tweederdes van die Stadsaal gevul het, het die Toneelvereniging van die P.U. verlede Vrydagaand opgetree. 'n Mens was na die opvoering oortuig dat die betrokke stuk sy oorwinning op die Fatsafeeste verdien het.

Die spelers van aldrie stukke het hulle goed van hul taak gekwyd. Nogtans voel mens dat daar 'n bietjie meer variasie in die keuse moes gewees het; bedoelende dat die stukke van meer verskillende aard moes gewees het.

In „Followers” en „Plaas-toe” was nie veel lewe nie; wat natuurlik nie op die spelers betrekking het nie. In eersgenoemde verdien veral die naam van mej. T. Liebenberg en in laasgenoemde die name van mej. C. du Preez en mnr. H. van Eetveldt spesiale ver-

(Vervolg van kolom 1).

die serenadeerders te identifiseer, maar 'n intensiewe ondersoek kon slegs aan die lig bring dat die Hotties van Thabajäh soms snags grammofoon speel.—Red.]

melding. Die laaste toneel, die Fatsawenner, „Campbell of Kilmhor,” was verblydend. Mnr. Leon van Gass en mej. Breed en Erasmus het die toneel baie lewendig gehou met hul uitstekende spel. 'n Mens waardeer dit tmeer as jy in aanmerking neem dat die stuk in 'n dialek geskryf is.

Ons is trots op ons toneeltalent en wil langs hierdie weg die spelers van aldrie stukke gelukwens en sukses toewens met wat voorlê.

A. MEYER.

LUCILLE DIE ROK SPESIALIS

Altyd eerste met die Jongste.

Foon 62.

Kerkstraat 146,
POTCHEFSTROOM.